

REFERAT US - Ældreråd d. 09-09-2024

Mødedato Mandag d. 09. september 2024 kl. 15:00

Mødested Rådhuset

Indholdsfortegnelse

Referat..... 3

Punkt .: Referat

Utoqqaat pillugit Siunnersuisooqatigiit ataatsimiinneranni imaqarniliaq

Ataasinngorneq, ulloq 09. septembari 2024, nal. 13:00

Sumi: Suliffeqarnermut Isumaginninnermullu Ingerlatsiviup ataatsimiittarfiani

Ataatsimeeqataasut ukuupput:

Birthe Nielsen, siulittaasoq

Kaj Kleist, siulittaasup tullia

Kirsten Holm, Ilaasortaq

Daniel Blytmann, Ilaasortaq

Najuuttussaataasut:

Naja Anelouise Heilmann, allatsi

Peqataasinnaanatik nalunaartut:

Karen Lund Mølgaard, Utoqqarnut suliasaqarfinni fagcheffi

Jakob Thorsen, Ilaasortaq

Peter Petersen, sinniisoq

Imarisaa

1. Oqaluuserisassat akuerineqarneri	3
2. Ilisimatitsissutit	3
2.1 Utoqqaat pillugit siunnersuisooqatigiit siulittaasuannit	3
2.1.1 Utoqqaat illuini sulisussaaleqineq	3
3. Taasariaqartut allat	4
Ilanngussaq 1	4



1. Oqaluuserisassat akuerineqarneri

Ullormut oqaluuserisassat akuersissutigineqarput.

2. Ilisimatitsissutit

2.1 Utoqqaat pillugit siunnersuisooqatigiit siulittaasuannit

2.1.1 Utoqqaat illuini sulisussaaleqineq

Naammagittaalliummik tigusaqareernerup kingorna Utoqqaat pillugit Siunnersuisooqatigiit ullumi ataatsimiigasuarpur. Ataatsimiinnermut siunertaq tassaavoq, Utoqqaat pillugit Siunnersuisooqatigiit utoqqaat illuini sulisussaaleqineruput qanoq aaqqiissutissarsioqataasinnaanerat oqallisigissallugu, taamaalilluni utoqqaat najugaqartut pisarialimmik isumassorneqartarniassammata aamma tapersersorneqartarniassammata.

Siulittaasup utoqqaat illuini ataavartumik sulisussaaleqineruput suna pissutaanersoq paasineqarnissaata pingaassusaa ilutigallugu erseqqissarpaa. Pissutaasinnaasutut makkua eqqaaneqarput:

1. Akissarsiakippallaarneq
2. Aningaasarsiffimmi amerlasuut sulinngitsoortarneri
3. Aqutsinerup unammillernartut
4. Ilinniagaqannginneq aamma sulisunit ilinniartitsineq
5. Sulisut akornanni inuttut atukkat
6. Sulisut pikkorissut pissarsiariniarnerini unammilligassaqaarneq – utoqqaat illuinut sulisussarsiornissamut naammappat?
7. Sullivimmi tarnikkut atugarisat

Nuummi utoqqaat amerleriarsimasut aamma ukiuni tulluuttuni amerlanerulernissaasa naatsorsutigineqarnerat siulittaasup eqqaavaa. Nikeriarneq tamanna najugaqartunut massakkut ilungersuuteqareersunut pisariaqartinneqartumik isumassuinissamut utoqqaat illuini sulisussaaleqinikkut unammillernartoqatitsivoq.

Ajornartorsiummi aaqqiissutissaasinnaasunik nassaarniarluni siunnersuut una eqqartorneqarpoq:

1. Sulisut ilinniarsimanngitsut suliasamik suunerinik ersarissunik malitassaqaasat aamma akulikitsumik kvartalikkaartumik malinnaaffiginnilluni ataatsimeeqatigineqartassat.
2. Utoqqaat illuini ullup affaanik atorfinnik amerlanerusunik pilersitsisoqassasoq.
3. Illoqarfigisami sulisussanik nassaartoqarniarneq ajornakusoorpat, sulisunik avataaneersunik sulisussarsiortoqassasoq.
4. Ulluni ulapaarfiusuni tassunga ilanngullugu ulluni aningaasarsiffimmi sulisunik amerlanerusunik sulisoqalissasoq.
5. Sulisut unnuakkut imaluunniit sapaatip akunnerata naanerani sulisinnaaniassammata sulisut meeraannut paaqqinninnissamut neqeroorutini pilersitsisoqassasoq.
6. Suliffeqarfinnut namminersortunut eqqiaanermi, errorsinermi aamma nerisassiornermi suliasanik suliariumannittussarsisoqassasoq



Iliuusissat tamakku utoqqaat illuanni sulisut najugaqartunut isumaginninnerunissaannut piffissaqalersitsissagaluarput sulisussaqaqarnerulerlutillu.

Ombudsmandimit nakkutilliinerit

Inatsisartut ombudsmandiata aamma nunatta nakorsaanera utoqqaat illuanni pissutsinut eqqumaffiginninnerulertariaqarnerat aamma nakkutilliilluarnerusariaqarnerat pillugu siulittaasoq aamma eqqaasaqarpoq.

Utoqqaat pillugit Siunnersuisoqatigiit ombudsmandimit utoqqaat illuinik nakkutilliinissaq inatsisitigut pisussaaffiunersoq ingerlatsivik erseqqissaaqqullugu noqqaassuteqarput.

Utoqqaat pillugit Siunnersuisoqatigiit Utoqqarnut suliassaqaqarfirmut ullumikkut kommunimi sulisut utoqqaat illuini eqqiaanermik, errorsinermik aamma nerisassiornermik isumaginnissanersut paasissutissanik utertitsivigineqarnissamik noqqaassuteqarput.

3. Taasariaqartut allat

Soqanngilaq.

Ilanngussaq 1

Utoqqaat pillugit Siunnersuisoqatigiit siulittaasuannit allakkiaq, ulloq 6. septembri 2024-mik ullulernerqarsimasoq, utoqqaat illuini sulisussaaleqineq pillugu qulequtalik kiisalu Utoqqaat pillugit Siunnersuisoqatigiit ataatsimiinnissaq pillugu noqqaassut.

"Hej Ane Louise aamma siunnersuisoqatigiinni ilaasortaqaatikka.

Ulluni kingullerni social mediatigut inunnillu utoqqaat illuinut isertartunit sulisunik amigaateqartorujussuunera pillugu naammagittaalliutinik tigusaqartarpugut tusagaqartarlutalu.

Siunnersuisoqatigiinni ilaasortat Nuummiittut kissaatigaat piaartumik sap ak tulliani, soorlu ataasinngorpat 9 Sept nal 13 naapissasugut, utoqqaat illuaniittut iluamik sullinneqannginnerat pillugu naammaginnginnatsigu qanoq iliuusissanik piaarnerpaamik aaqqiisoqarnissaa piumasariniarlutigu.

Isumaqaarpugut kommunep tungaaniit utoqqaat pisinnaanngitsut naammaginartumik paaqqutarineqarnissaannut pisinnaatitaaffiat unioqqutinneqartoq.

Ataatsimiiffissatsinnik periarfissarsiuunneqarnissarput kissaatigaarput, aammalu sulisoqarnermut tunngasunik paasitinneqarnissarput pissusissamisoortutut isigalugu.

Inuss,

Birte Nielsen

Siulittaasoq"